

LUB ZEEM MUAG RAU APPLETON

JAKE
WOODFORD
MAYOR



Lub Zeem Muag Rau Appleton

Kuv xav khiav los ua tus nai npab lossis tus nom kav nroog vim txog kev xaiv peb yuav ua rau plaub lub xyoo tom ntej no yuav muaj qhov hloov ua tau zoo rau peb lub zos. Appleton muaj peev xwm, thiab peb muaj txoj hauv kev ua kom tau. Txawm peb ntsib kev cov nyom tam sim no thiab rau yav tom ntej los, peb yuav tau ua kom yam muaj tseeb muaj nuj nqi tuav peb lub zej zog, rau siab siv zog, ua siab loj siab dav, thiab muaj kev hwm rau lwm tus.

Kuv yeej loj hlob kawm thiab ua tej kev zoo muaj nuj nqi no. Kuv ces yog tiam thib plaub yug los nyob rau nroog Appleton. Kuv yug, loj hlob, kawm ntawv, thiab yuav poj niam nyob rau hauv Appleton, thiab kuv tus poj niam, Hilary, thiab wb tau ua pib wb lub neej nyob rau hauv no. Peb tus nai npab tom ntej no yuav coj txoj hauv kev foom koob hmoov zoo rau tau yam kom muaj lub zog, nrog rau peb li kev khwv nyiaj txiag uas rauj khov kho, peb li hav zoov hav ntsuag nyob nraum zoov, kev kawm ntawv kom zoo tshaj plaws, thiab kev kkwv nyiaj txiag tsuas muaj loj hlob rau peb lub zos.

Plaub lub xyoo tom ntej no, peb yuav tau rau siab ceev txoj kev ua lag laum li yam peb tau ua kom Appleton zoo li niaj hnuv niam no. Peb yuav tau ua txhua yam kom lub zos no kev khws nyiaj txiag muaj zog los ntawm kev txhawb uas yog cov neeg niaj hnuv muaj haujlwm thiab los ntawm cov neeg tshiab. Peb yuav tau ua kom, Appleton no yog ib qho chaws txhua leej txhua tus xav nyob thiab muaj txoj hauv kev vam meem. Peb yuav tau muaj kev pab kom zoo tshaj plaws, rau pej xeem kev nyob nyab xeeb, mus rau tej dej haus los kom zoo, mus rau chaws ua si park los kom zoo. Thaum peb tseem khiav tej haujlwm kom cuag peb lub hom phiaj no, peb yuav tau muaj ib tug nom kav zos uas mloog nws cov pej xeem, koom tes kho, thiab yog ib tug saib xyuas zoo rau kev pab pej xeem.

Ua ib tug coj rau lub zej zog no tsis yog ib txoj huajlwm rau ib tug neeg ua xwb - nws yog kev sib koom tes ua ke. Appleton yog qhov chaws uas coob tus hu uas tsev thiab coob tus muaj kev cia siab, ua ke peb yuav kho tau lub zej zog no uas peb hu ua tsev rau peb. Kuv thov nug nej tej kev xav yog dab tsi thaum kuv tawm tuaj mus rau cov rooj sib ntsib, tuaj mus rau hauv nej tsev thoob rau lub zos no, rooj sab laj sib tham nrog rau lwm cov neeg ua haujlwm rau tsoomfwv, thaum hos haus coffee ua ke nrog rau cov coj khiav huajlwm rau not-for-profit, thiab thaum hos khob nej qhov rooj. Lub zeem muag no yog xav ua kom tau tam li nej hais thiab yuav ua mus kom hloov raws li lub sijhawm tseem khiav xaiv nom no.

Ntau txheej tiam neeg nyob rau hauv Appleton uas rau siab ua haujlwm yog cov kho thiaj li muaj peb lub zos no. Kuv xav kom peb ua pog koob yawg koob zoo rau peb tiam neeg tom ntej no uas lawv yuav hu Appleton ua lawv lub vaj tsev. Kuv cia siab tias nej yuav koom kuv ua kom lub zeem muag no kom muaj tseeb.

Kev loj hlob ntawm daim ntawv no yog txaus siab los ntawm kev tshawb fawb thiab tej ntaub ntawv los ntawm Imagine hma liab lub zos, tus hma liab lub zos lub neej txoj kev tshawb no, cov nroog hauv nroog Appleton tus muab npaj, nroog ntawm ib tsev Affordability daim ntawv qhia, deb nroog Appleton tus muaj hom phiaj, APA txoj cai qhia txog Koom zos npaj, ib daim ntawv qhia rau tsoom fwv nom nrhiav kom txhawb tuav pej xeem koom - khoom vaj khoom tsev raws li kev zej zog lub koom haum, AARP Network uas muaj hnuv nyoog hauv xeev thiab cov zej zog, hav ntse loj - SGN, yog qhov no Pib cua ntsawj ntshab Transit kev npaj, National Pab Koomtes ntawm lub zos IYEF Authentic hluas tsoom khu ntawv, thiab dozens ntawm ib tug neeg sib thiab sib tham nrog cov nom tswv hauv zej zos thiab cov pej xeem. Kuv xav thov ua tsaug rau tus muaj coob tus neeg uas nws ua hauj lwm tau nphav kis los ncaj qha zoo li tus no tsis pom kev.

NYIAJ TXIAG HAUJLWM

Txhawb tej yam rau zej zog kev khwv nyiaj txiag uas yuav pab tau sawvdaws

Kev ua lag luam txhua yam nyob rau hauv Appleton

Appleton yuav tsum xav thiab ua kom muaj kev lag luam kom zoo tshaj plaws rau peb thaj chaws no. Qhov yuav ua kom tau li no, kuv xav pib kev tswj haujlwm soj ntsuas lub zos Appleton kev kawm qhia pab cov khiab lag luam thaib hais qhia yam kuv pom hloov rau qhov zoo ua ntej lub Peb Hli Ntuj 2021. Raws li tus nom kav nroog, kuv cog lus ua kom Appleton txoj kev sib tw ua lag luam, nyob rau qhov siab, tsis hais me los loj, saib seb tus twg xav pib thiab ua khw rau qhov twg.

Ua kom muaj haujlwm thiab ua kom them tau thaib chaws los zoo nkauj xis nyob thiab ua haujlwm

Cov pej xeem Appletonians muaj kev txaus siab nyob lub neej uas tsim nyog them rau tej koom lossis ua rau lawv lub neej kom zoo nyob rau hauv lub zos no. Yuav ua ib tug zoo khub nrhiav haujlwm rau cov nyob hauv zos no, Appleton tau rau siab ua qhov zoo rau txoj kev pab, uas kom peb lub zos khoom txhob kim peb thiaj li yuav tau, thiab coj txoj kev txais tos me ntsis ntxiv.

Kev txhawb pab tsev nyob rau txhua cov tib neeg uas tau nyiaj txiag li cas los tau tag

Lub zos Appleton yuav saib xyuas kom sawv daws muaj ntau yam kev pab nrhiav tsev nyob, yuav pab cov neeg pej xeem tau tsev nyob uas lawv yuav them tau, kom pab tau rau sawv daws, txhua leej txhua tus. Peb muaj hmoo kawg, vim hais tias peb muaj ntau cov koos haum uas pab cov neeg pej xeem nrhiav tsev nyob thiab pab lawv nrhiav kev pab txhawb nqa kom lawv lub tsev tsis poob. Ntxiv rau qhov uas pab qhov nrhiav tsev rau cov neeg pej xeem nyob, kuv yuav kom lub chav haujlwm Appleton Redevelopment Authority siv tswv yim tawm kev pab nhiaiv tsev rau cov neeg pej xeem nyob raws li teb li chaw thiab muab cov tsev uas qub qub puas lawm, kho kom zoo nyob dua.

Yuav koom tes thiab txhawb nqa kom tej kev khwv nyiaj txiag muaj zog tuaj

Lus zos Appleton muaj lub npe hais tias cov neeg uas muaj tswv yim kos duab los uas tej yam zoo saib yeej tsa tau lawv txoj kev kos duab ntawd kom zoo tshaj ntxiv mus. Tej kev kos duab los tsim ua tej yam kom zoo saib yog ib yam uas ua kom peb txoj kev nyob ua neej thiab qhov uas ua kom peb lub zos zoo nyob zoo ntxiv xwb. Yog kuv tau los ua tus kav nroog, kuv yuav koom tes nrog cov koos haum nyob ib cheeb tsam thiab nrog cov neeg kos duab thiab cov neeg ua tej yam kom zoo saib, muab lub zos Appleton tsa hais tias cov neeg ntawd muaj ib qho chaw uas lawv qhov haujlwm yeej mus taus. Kuv kuj yuav nrhiav kev qhia kom tseeb zog, tej txheej txheem thiab txhim kho kom dua qhov qub qhov uas yuav ua tej kev kos duab thiab ua yam kom zoo saib, uas yuav ua lag luam ntawd, yooj yim zog.

Yuav ua kom peem tsheej kom cov neeg pej xeem Appleton mus tau thoob lub zos, txawm hais tias taug kev, tsav tsheb los caij npav

Lub zos Appleton yuav tsum ua kom zoo tshaj qhov qub, hais txog txoj kev mus thoob zos, mus li cas los tau tas. Yog kuv tau los ua tus kav nroog, kuv yuav txhawb qhov uas ua neeg caij luv thij los taug kev kom nyab xeeb zog, tsim tsa ntxiv cov kev taug ncig ua si thiab yuav ua kom zoo tshaj, qhov kev caij npav hauv zos. Peb yeej tseem yuav saib xyuas thiab kho tej kev tsheb siv khiav, uas peb cov neeg pej xeem yog cov siv ntau tshaj, lub zos Appleton yuav tsum npaj tam sim no mus npaj rau yam pem suab uas txoj kev cov neeg pej xeem yuav siv mus thoob zos yuav hloov li cas.

LUB ZEJ ZOS

Yuav ua tiag kom sawv daws muaj qhov kev kaj siab hais tias yog yus qhov chaw nyob

Yuav mob siab ua tiag kom peb lub zej zos yog ib lub uas txais tos sawv daws

Peb cov neeg pej xeem Appletonians muaj kev zoo siab heev rau peb lub zej zos, thiab zoo siab txais tos sawv daws txhua leej txhua tus uas tuaj thoob qab ntuj tuaj saib peb lub zos. Peb yuav tau muab peb qhov uas peb txais tos sawv daws ntawd, coj los mus siv txhua txhua hnuv, peb yuav tau pom hais tias, txawm peb nyias txawv nyias haiv neeg los tsis ua li cas, qhov ntawd yog qhov uas yuav ua pe blub zej zos zoo tshaj tuaj. Yog kuv tau los ua tus kav nroog, kuv yuav ua ib tug thawj coj uas suav sawv daws, yuav txais tos sawv daws uas yuav koom tes tsa pe blub zej zos.

Yuav saib xyuas kom sawv daws raug txoj kev ua ncaj ncees rau thaum tuaj rau ntawm tseem fwv zos

Yuav kom peb yog ib lub zej zos uas txais tos sawv daws, kuv yuav saib xyuas kom lub zos Appleton cov kev cai thiab cov txheej txheem yog ib co uas ua ncaj ncees rau cov neeg pej xeem. Txawm koj tuaj thov ib daim ntawv tso cai kho tsev los tuaj nrhiav hauj lwm ua, koj muaj cai raug ua txoj kev ncaj nceev rau.

Yuav saib xyuas kom lub zos Appleton yog ib lub zos uas cov laus nyob taus, noj taus

Yuav saib xyuas kom lub zos Appleton yog ib lub zej zos uas sawv daws, tus laus tus hluas, txais tau kev pab txhua yam. Peb yuav koom tes nrog cov koos haum uas nrhiav kev pab txhawb cov laus thiab cov tsis taus, kom sawv daws thiaj li tau kev noj qab nyob zoo thoob zej zos. Peb mam li nrhiav kev uas kom zoo tshaj hauv zos Appleton rau cov neeg zaum tsheb, nrog rau cov tsev ua hauj lwm uas zos Appleton siv ua hauj lwm rau neeg pej xeem.

Yuav kom cov hluas hauv zej zos los koom tes siv tswv yim daws tej teeb meem zej zos

Cov hluas muaj ib qhov kev pom uas yog ib qho uas tshwj xeeb heev hais txog tej teeb meem uas peb muaj hauv peb lub zej zos. Yog kuv tau los ua tus kav nroog, kuv yuav koom tes nrog cov tsev kawm ntawv thiab cov koos haum uas pab txhawb nqa menyuaam yaus, kom lawv nrhiav ib txoj kev rau cov hluas los mus koom tes nrog cov nom tswv hauv zos nhriav tswv yim daws teeb meem thiab tsa lub zej zos. Qhov kev ua hauj lwm li no yuav muab kev kawm ua nom tswv rau cov hluas thiab ua rau lawv mob siab rau lawv lub zos, lawv thiaj li xav nyob thaum lawv yog neeg laus lawm.

Ua ntxiv mus qhov kev sib koom tes ntawm cov zej zos Fox Cities

Yav tag los, muaj tej yam hauj lwm uas cov zos sib koom ua hais tsis sib haum thiab cov ciam teb los kuj tsis muaj kom tseeb tseeb, tau los ua ib qho kev cuam tshuam rau cov zos Fox Cities. Yuav kom peb cov lag luam khiav tau zoo thiab pab tau peb cov neeg pej xeem, peb yuav tsum muaj kev sib koom tes uas ruaj heev thiab muaj kev sib tw uas lag luam hauv cov Fox Cities. Yog kuv tau los ua tus kav lub nroog, kuv mam li koom tes thiab sab laj nrog cov nom tswv ntawm cov zos ntawm cheej tsam Appleton, kom peb sawv daws tib txhij nrhais kauj ruam ua ke yam tom ntej mus.

COV KOOG TSEV ZOS

Yuav ua kom peb cov tsev thiab neeg pej xeem ruaj zog tuaj kom tsim tsa zej zog

Yuav xav kom sawv daws uas nyob ib koog tsev muaj kev sib raug zoo

Cov koog tsev zos uas nyob khov kho, muaj nyob nyab xeeb, muaj kev noj qab nyob zoo, zoo dua thiab muaj kev kaj siab dua. Lub zos Appleton qhov Neighborhood Program yog ib qho kev pab cuam uas cov neeg pej xeem tsis tshua paub txog thiab tsis tshua siv los mus pab cov neeg uas nyob ib koog tsev sib koom tes ua hauj lwm ua ke los mus tawm tswv yim pab kho tej teeb meem uas nyias koog tsev muaj, es kom txhob tos nom tswv khoo. Yog kuv tau los ua tus kav nroog, kuv yuav tsim tsa qhov Neighborhood Program kev sib koos tes saib xyuas nyias koog tsev, yuav nrog cov txawj ntse sab laj muab tswv yim rau cov neeg pej xeem kav nyias koog tsev.

Yuav txhawb nqa thiab tsim tsa kev ua lag luam rau hauv cov koog tsev neeg nyob

Cov menyuaam lag luam vam meej kawg nyob rau ntawm cov koog tsev zos. Cov menyuaam lag luam no yog cov uas tuav kom ruaj lub koog tsev zos ntawd. Cov lag luam no yog ib qho chaw uas cov neeg pej xeem hauv zos Appleton tuaj mus nyob ua ke, sib ntsib, sib tham pem, tsis tag li ntawd, lawv yog ib qho tseem ceeb heev rau txoj kev khwv nyiaj txiag. Yog kuv tau los ua tus kav zos, kuv mam li nrhiav kev pab thiab ua kev koob tsheej rau cov menyuaam lag luam no, thiab nrhiav tswv yim los mus saib xyuas seb puas yuav ua tau ntxiv cov menyuaam lag luam thoob cov koog tsev zos.

KEV NOJ QAB NYOB ZOO THIAB KEV NYAB XEEB

Yuav saib xyuas kom peb cov neeg pej xeem noj qab nyob zoo thiab nyob nyab xeeb

Yuav muab kev kawm, muab khoom siv thiab ntiav cov neeg uas yuav pab peb muaj kev nyab xeeb
Zes ntawm ib nrab kiag cov nyiaj siv khiav hauj lwm rau lub zos Appleton, muab coj los siv saib xyuas kev nyab xeeb rau sawv daws. Cov neeg pej xeem nyob rau Appleton, cia siab thiab tsim nyog txais txoj kev nyob noj ntsiag to hauv zej zos, yog li ntawd, kuv yuav saib xyuas kom cov tub ceev xwm thiab tub tua hluav taws tau txais kev kawm ntxiv, tau khoom siv ua lawv txoj hauj lwm, thiab ntiav tau neeg tuaj ua hauj lwm saib xyuas kom sawv daws muaj kev nyab xeeb.

Yuav npab txoj kev tiv thaiv thaum muaj huab cua phem

Lub sij hawm uas muaj huab cua phem, ua ib qho kev cuam tshuam rau tej hauj lwm uas nom tswv yuav tsum tau ua rau neeg pej xeem. Peb yuav tau tsim tsa ib qho qauv cov los mus tshuaj ntsuam kom muaj siv tas mus li thiab saib xyuas cov hauj lwm uas kawm txog huab cua uas yuav saib seb yuav sib nyiaj li cas, qhov hauj lwm yuav raug nqi li cas, thiab yuav ua li cas rau cov neeg pej xeem kev noj qab nyob zoo. Kuv yuav kom lub Appleton Task Force ua ib lub qauv uas muaj peev xwm ua tau, hloov tau kom zoo, muab txo, thiab muaj qhov hloov tau raws li huab cua.

Tiv thaiv tseem fwm uas tibneeg siv Computer/Internet tuaj tua

Cov zos thoob teb chaws tau raug tibneeg siv computer/Internet tuaj tua ua rau tseem fwm khiav tsis taus hauj lwm rau zej zos. Thaum raug li no lawm, cov zos tau them ib pob nyiaj kom cov neeg phem thiaj li rov qhib cov computer tau siv dua los tej thaum yuav tau rov qab muab cov computer ntawd kho dua tshiab thiaj li rov qab khiav tau hauj lwm dua. Kuv yuav thov ib qhov nyiaj nrog ntawm pob nyiaj uas tseem fwm thov khiav hauj lwm ntawd, coj los mus khiav hauj lwm saib xyuas peb cov computer/Internet, tiv thaiv cov neeg yuav ua phem.

Tswj kev xyuam xim, kev huv, thiab kom peb lub zos cov dej muaj tsis tu

Appleton muab cov dej zoo tshaj uas tau txais qhov lawv hu uas award-winning no rau cov pej xeem los ntawm kev txiaj ntsig rau txoj kev nqis peev ntawm peb cov chaws haujlwm ua dej pub rau peb. Yog kuv tau los ua tus kav nroog, kuv yuav rau siab txhawb qhov no mus kom tsim nyog tshawb khiav kom tsuas muaj zoo mus ntxiv xwb.

TSWJ LUB ZOS

Txhim tsa peb lub zos kev tsoom fww tej haujlwm kom muaj kev ntseeg thiab paub txog luag haujlwm

Kom paub meem tshaj thiab muaj kev koom tes uas yuav siv pob nyiaj txiag mus rau nqe twg

Feem ntau, pob nyiaj ntawd txiav txim yuav muaj kev cuam tshuam rau txoj kev siv thiab rau cov se nyob rau peb lub zos yam li tsis tham tshaj tawm txaus kom tsim nyog rau peb cov pej xeem. Pej xeem Appletonians yuav tsum muaj lub suab los hais thaib peb tau los mloog ua ntej cov neeg City Council xaiv txog pob nyiaj ntawd. Yog kuv tau los ua tus kav nroog, kuv cog lus kom pej xeem muaj koom tes txog pob nyiaj muab los khiav cov haujlwm no, kuv yuav caw pej xeem nyob rau ib zej ib zog tuag thiab lwm lub koom haum nyob rau lub zej zog no.

Npaj txoj ke xav kom zoo cheem txoj kev siv nyiaj txiag rau cov khiab nyiab

Ua ntej peb yuav npaj ib txoj haujlwm, lossis ntau txoj haujlwm, peb yuav tau paub tseeb maj mam saib xyuas thiab sib tham tso. Tag nrho cov chav khiav haujlwm nyob rau hauv zos no yuav tau koom tes ua haujlwm ua ke, kom thiaj li ua tau txoj haujlwm raws li npaj tseg kom raws ciaj. Nws yog tus kav nroog txoj luag haujlwm coj kev.

Kev ntseeg tsoom fww los ntawm kev paub tseeb, kev hwm , thiab kev txhawj xeeb

Cov pej xeem Appletonians tau qhia lawv kev txhawj xeeb txog lub zos no tau teb rov qab rau lawv tej lus tau hais tseg. Yog kuv tau los ua tus kav nroog, kuv yuav sau pej xeem cov kev txhawj xeeb no yam muaj tiaj thiab yam tseem ceeb heev es yuav saib xyuas yam muaj nuj nqi, tsis tas li ntawd kuv xav pom tias txhua qhov chaws uas nyob rau lub zos no yuav ua ib yam li ntawd thiab. Kuv yuav yog ib tug kav nroog uas npaj txhim tsa txoj kev ntseeg los ntawm txhua yam kuv ua. Yuav rau siab mloog pej xeem thiab muaj kev sib tham ib tauj ib uas thiaj li yuav paub meem pab ua lub suab txog yam ua tseem ceeb nyob rau pem City Hall. No pib los ntawm kev qhib siab thiab muab sij hawm rau cov pej xeem kuv los mus sawv cev rau. Kuv yuav ua li no muaj li ob zaug ib lub hli raws li sij hawm qhib hoob kas, nrog rau tawm rooj uas tsis yog nyob rau pem City Hall.